

quarum tenores de verbo ad verbum inferius sunt conscripti, sigillorum appensione munitis plenius continetur, nos considerantes utilitates et comoda, que non solum nobis et regi prefato ac regnis et terris nostris ac regis eiusdem, verum etiam sacrosancte Romane matris nostre ac universalis ecclesie statui et honori totique rei publice christiane ac precipue negocio Terre Sancte, ad cuius promocionem celerem et felicem desideria nostra suspirant, possunt multipliciter provenire, unionem, federa, confederaciones, convenciones et pacta ac omnes et singulos articulos eorundem, sicut in litteris supradictis plenius et expressius continentur, pro nobis, regno ac terris nostris approbamus, laudamus, volumus, ratificamus et confirmamus expresse ac de ipsis tenendis, attendendis, complendis et inviolabiliter observandis in posterum per dilectum et fidelem nostrum Guidonem comitem Sancti Pauli buticularium Francie, nobis presentibus et expresse mandantibus, in animam nostram prestari fecimus ad sancta Dei euuangelia tacta corporaliter iuramentum. (2) Tibique notario vice et nomine dicti regis ac pro eo et quibuslibet aliis, quorum interest vel interesse potest aut poterit in futurum, legitime stipulanti sub legitima et solenni stipulacione promittimus, quod infra quatuor menses, postquam regem ipsum ad imperialis fastigia dignitatis Deo auspice contigerit esse promotum, unionem, federa, confederaciones, convenciones et pacta et omnes et singulos articulos eorundem, prout in predictis litteris plenius et expressius exprimuntur, approbabit, laudabit, volem, ratificabit et auctoritate regia curabit confirmare ac de ipsis in omnibus et per omnia tenendis, attendendis, complendis et inviolabiliter observandis per aliquem de familiaribus nostris, nobis presentibus et expresse mandantibus, in animam nostram ad sancta Dei euuangelia tacta corporaliter iuramentum prestari nichilominus faciemus et concedemus super hiis eidem regi, gentibus, nunciis vel procuratoribus suis ad hoc ab eo specialiter constitutis quatuor paria litterarum magno sigillo nostro in cera viridi munitarum.

(3) Tenores autem litterarum nunciorum et procuratorum predictorum nostrorum et dicti regis super unione, federibus, confederacionibus, convencionibus et pactis predictis, ut premittitur, confectarum, continentium tenores procuratoriorum ipsorum, tales sunt:

'A touz ceux — saint Jehan baptiste' ¹.

1) Dies die Conventio LL. II, 511.